

SCRIPT OF MORNING GOJRI NEWS BULLETIN 21JULY 1015 HRS

مارننگ گو جری نیوز بلیٹن مورخہ 21 جولائی 2025

یوہ آکا شوانی جموں ہے آسف لودھی تیں خبر سُنو۔

MONSOON SESSION

پارلیمنٹ غو مونسون اجلاس اج تیں شروع ہو رہیو ہے جہیزو جے آئندہ 21 اگست توڑی جاری رہ غو واضع رہ جے بھارت غی طرفوں پاکستان غے خلاف کیا گیا اوپریشن سندھور تیں بعد ہو ن پارلیمنٹ غو پہلو اجلاس وے غو اس سلسلہ مانہ پارلیمانی معاملات گا وزیر کرن رچی جو نے دسیو ہے جے اس اجلاس مانہ متا سارا قوانین غے متعلق معاملہ وی ایوان مانہ چایا جیں گا واضع رہ جے اجلاس غے دوران 17 بکھ بکھ قسم غا بل وی ایوان مانہ بحس غی خاطر پیش کیا جیں گا حکومت غو کہنو ہے جے وہ پارلیمنٹ مانہ چایا جان آلا تما معاملات ور گل بات واسطے تیار ہیں۔

AMARNATH YATRA

اس سال غی جاری امرناتھ یاترا ور آن آلا یاتریاں غی تعداد 3 لکھ توڑی جا چکی ہے اس سلسلہ مانہ سماجی میڈیا ور اک پوسٹ سانجی کرتا وان جموں کشمیر غا لیفٹیننٹ گورنر منوج سنہا نے اتنی بڑی تعداد ور تسلی ظاہر کرتا وان خوشی غو اظہار کیو ہے اُن نے کہیو جے زندگی غا اس مقدس سفر تیں تمام یاتری اپنی زندگی مانہ نوا تجرباں توں واقف ہو سکیں اوں اج نکی لو 3791 یاتریاں ور مشتمل اک ہور جتھو اج بھگوتی نگر جموں تیں کشمیر وادی آلے پاسے تگڑا حفاظتی بندوبست غے تحت روانہ کردتو گیو ہے اس جھتا مانہ 3067 مرد 522 خواتین 9 بچہ 153 سادھوتے 39 سادھوی شامل ہیں سرکاری ذریعہاں نے جانکاری دیتا وان دسیو ہے جے ان وچوں 12 سو 8 یاتری بنیادی کیمپ بالٹال جد کہ 2583 یاتری پہلگام تیں ٹوریں غا۔ جتوں وے امرناتھ گفا غا درشن واسطے روانہ ویں غا۔

LG BALTAL

لیفٹیننٹ گورنر منوج سنہا نے جاتے روز بال تال مانہ یاترا غا بنیادی کیمپ گو دورو لاغے اُت جاری امرناتھ یاترا غی غی خاطر کیا گیا بندوبست غو جائیزو لیو دورہ غے دوران ایل جی موصوف نے متعلقہ عہدے داراں غی اک میٹنگ بلاغے یاتریاں گی خاطر کھان پین صحت بجلی تے صفائی جیسی دوجی لوڑتی سہولیات بارے تفصیل نال جانکاری حاصل کی اس موقع ور جناب سنہا نے بنیادی کیمپ مانہ قائم ہسپتال گا ڈاکٹر نال خطاب کرتا وان تمام طبی سہولیات غو نیڑے تے جائیزو لیتا وان یاتریاں غی خاطر دستیاب سہولیات ور تفصیلی ظاہر کی ہے اُن نے یاتریاں غی خاطر تمام لوڑتا اقدام چان ور متعلقہ انتظامیہ غی متی تعاریف کی ہے۔

DAR STATEHOOD

زراعت تے کساناں گی بلائی بہتری بارے محکمہ گا وزیر جاوید احمد ڈار نے اُمید ظاہر کی ہے جے جموں کشمیر ریاست غو درجو جلد ہی بحال کیو جے غو وزیر اعظم نریندر مودی تے وزیر داخلہ امت شاہ غی طرفوں پارلیمنٹ مانہ انگا وعدہ بارے اخباری

نمائندگان سنگ گل کرتا واں وزیر موصوف نے کہیو جے ریاست غی بحالی بارے آخری فیصلو مرکزی حکومت غو وے گو ور جموں کشمیر حکومت ناں اُمید ہے جے ایسو تعاون غی ممکن ہو جے گو جموں کشمیر مانہ سڑکاں تے صحت سہولیات بارے ترقیاتی ڈھانچہ غو ذکر کرتا واں جناب ڈار نے کہیو جے ہر اک اسمبلی حلقو اس ویلے تیزی نال ترقی آلے پاسے اگے بدھ رہیو ہے۔

KISHTWAR EXCHANGE FIRE

کشتواڑ ضلع غا کھان کو جنگلاتی علاقہ مانہ جاتے روز حفاظتی دستاں تے دہشت گرداں بشار گولی باری غو تبادلو شروع ہو گئیو اس سلسلہ مانہ آکاشوانی جموں گا مہارا نمائندہ نے جانکاری دتی ہے جے دہشت گرداں غی موجودگی بارے اک سو لگن تیں بعد جموں کشمیر پولیس ت بھارتی فوج غی طرفوں دھچھن تے ناگسنی علاقہ غے گھیرا بندی کر غے تلاشی کاروائی شروع کی جس دوران اُت چھپا وا دہشتگرداں نے حفاظتی دستاں ور گولی چلانی شروع کردتی جس تیں بعد دواں پاساں تیں گولی باری غو تبادلو شروع ہو گئیو ذریعہاں نے دسیو ہے کہ اجوں توڑی گولی باری گا اس تبادلہ مانہ کسے غا ہلاک یا زخمی ہون بارے کائے خبر نہیں ہے تے مزید تفصیلات غی اجیں اڈیک ہے۔

RANA FLOODS

جنگلات تے ماحولیات غا وزیر جاوید احمد رانا نے جاتے روز ضلع پونچھ غی بالا کوٹ تے مینڈر سب ڈویژناں غو دورو لاغے حالیہ تہاڑیں بارشاں کی وجہ تیں ہوا نقصان گو نیڑے تے جائیزو لیو ہے ان بارشاں گے دوران پسی پین غی وجہ تیں متا سارا ریاستی کھر کھوٹا تے زمیناں ناں نقصان پوچیو ہے دورہ غے دوران وزیر موصوف نغے نال ضلع انتظامیہ پونچھ غا تمام محکمہ گا اعلیٰ عہدیداراں وی موجود تھا جس دوران جناب رانا نے لوکاں غو نقصان گو نیڑے تیں جائیزو لیو تے اُن ناں یقین دوايو جے حکومت ان لوکاں غی ہر ممکن مدد کرن غی خاطر تمام تر بندوبست کرے گی اس موقع ور وزیر موصوف نے متعلقہ افسرانان ہدایت کیں این جے بارش تیں متاثری علاقہ مانہ بحالی تے تعمیراتی سرگرمیاں ناں منصوبہ بندی تے پائیدار طریقہ نال انجام دتو جے تاں جے متاثرہ لوکاں غی آساں اُمیداں ناں پورو کیو جاسکے۔

BHAL PADRI FESTIVAL

جموں کشمیر سیاحت ناں متو بعدادو دین غی کاطر ضلع ڈوڈہ مانہ جاتے روز اک حیاتی میلو منعقد کرایو گئیو واجہ رہ جے یوہ میلو ضلع انتظامیہ دوڈہ تے محکمہ سیاحت غی طرفوں سانجہ طور ور آپسی تال میل نال منعقد کرایو گئیو تھو میلہ غے دوران بھلیہ گا رسم و رواج ناں باندہ آنیو گئیو اس میلہ مانہ لطف اندوز ہون آلا لوکاں نے نیلا بوٹا لاغے میلہ مانہ حصول لیو ذریعہاں نے دسیو ہے جے اس میلہ مانہ مشاعرو وی منعقد کرایو گئیو۔
